

K-VI-6



22  
AVREVS TRIONIS.  
SARMATICI TRIPOS. (19)

*Trium ornatissimorum Dominorum.:*

R. Dñi MARTINI NIEDZIAŁKOWIECZ  
VARSAVIENSIS.

V. D. IACOBI CZERSKI VARSAV.

V. D. ALBERTI NOWIEYSKI.

*D V M*

Secundā in Artibus & Philosoph. Daphnen  
fulciperent in auguratione Licentiatuꝝ.

*7 N*

Nobilissimo Poloniarum Athenæo Craciadum  
nuper fauente & monstrante Neptuno IA-  
GELLONIANO felicissimè

*A*

LYDOVICO CHRISTOPH: MILLERO GLOGOV:  
eiusdem secundæ Laureæ Candidato.

*I N V E N T V S.*

Anno à Deo in carne viso 1638. Mense Aprili,

Die      Hora



53  
VENERABILIBVS DD.  
MARTINO NIEDZIAŁKOWICZ,  
IACOBO CZERSKI,  
ALBERTO NOWIEYSKI,  
*Amicis meis Singularibus:*

Verum amorem & plurimam Salutem.

**T**ONICOS quosdam primæ lanuginis homines  
in æquore Coe aureum stupendæ speciositatis  
pretijq; inæstimabilis, Tripodem, solo sapientis-  
simo dignum, inuenisse à Poetis gentilitaris  
Theologis didicimus V.V.D.D. Fabula, an verius dixe-  
ro, ingeniosum sit hoc mendacium, nolo hic iudicium Pari-  
dis desiderari: Alium nuper ego longè nobiliorem in Augu-  
stissimò Sarmatico literarum emporio Tripodem inueni.  
Hunc meus ubi vidit Helicon hoc nobile soloq; Ioue di-  
gnum opus Oraculo sententiam ferente, vobis dari suavit;  
vos equidem hoc Tripodis nomine insigniri mea gaudet  
Musa, quos Neptunus Iagellonianus nuper hamo exami-  
nis sui satis austeri è profundissima maris Philosophici abys-  
so subleuauit, hæc porro præclara in hodierno honoris thea-  
tro, laboribus vestris erigit trophæa mater Academia. Me-  
bercule bonum factum, dulce solatium vestrum, nemo est  
qui non votiuo Anathemate has laborum vestrorum ple-  
nas Man-



mas Mantinaisari orbitas, Phylini lemniscatas libenter decantet. Quocirca nefas esse duxi, honorem vestrum, quem vobis non nemo precatur, obscuro præterire silentio. Spero vos hanc meam exiguam opellam sereno vultu & grato animo suscepturos, in qua si quis fortasse naevus occurrerit, tu amice Lector, veniam ut indulgeas benignè obtestor. Indubiè sæpius peccaturus, quippe qui homo & adhuc iuuenis. Nam ut in gemmis & lapidibus sæpè naevi, nec proinde omnino viles; ita in hac opella naevi forsitan non pauci, qui tamen totam minimè deturpant. Bene olim Naso, qui aiebat decentiorem esse faciem, in qua aliquis naevus. Caterùm placebo tibi, si me culpam emendare permiseris. Pompeius cui ex virtute cognomentum Magni accesserat cum theatrum, arcem turpitudinum extruxisset, veritus memoriæ suæ censoriam animadversionem, Veneris ad eam superposuit: ita ego amplissimi honoris vestri hodierni titulo opellam hanc leuem indignam fors tanto splendore prætexui, vos verò patiamini exiles quasdam stricturas vestrae lucis hoc amoris Symbolum illuminare. Quare ne multa sit oratio mea, laborem tenuem & exiguum offero veri legitimiq; muneris obsidem, quod meæ quidem temeritati haud recuso accedere; tamen si non prorsus fastidiatis votivam hanc tabellam nominis vestri templo dicatam, in caelum abire videor. Sic festino amate, fauete, & florete.

Dñationibus Vestris addictissimus

Ludovicus Christoph: Milerus Glogouien.



*Reuerendo Domino*  
**MARTINO NIEDZIALKOWIC Varſau.**

**Q**uum Dea oborta prodroma lucis  
Hypanilotas torſit in altum  
Lutea bigas ortu aſpergens  
Dumeta nouo, circum Craci  
Compita montis: quum Theſſalico  
Sarmata Titan eueſtus equo  
Cellas vrbis iubare illuſtri  
Tetigit turres, peperitq; diem;  
Diem excubitor geminans ales  
Cecinit lucēs reduces aperto  
Tempore menſis duxit Apriles  
Dicatas Veneri, ſubitoq; ceſſit  
Hinc luminifidus amicum  
Cymbala pulſans ære ſonoro  
Omne genus fauſtæ ad caſtra mouit  
Alemena, Dictæiq; Iouis:  
Iam, iam ardenti Martius æſtu  
Ruri eluſus parcit, & agro  
Hæret Procyon præuius ardor:  
Aiens: Boſphorica ſobolis meſſem  
Mirata eſt calido Hippodromum curru  
Quâ ſpe valuſt tentare! auidæ  
Interim poſt alitis hanc vocem;  
Mox turmæ conſedere iugis  
Pieridum quæ iſ impediunt  
Tempora frondes denſante choro.

Aurora ſoror ſociam ſe addit  
Gui fronte decus clarū purpurat.

Scilicet



Scilicet insignis Iagelonis  
Iacet qua prædulcis genitrix  
Easdem inter spei patruz  
Quæ alto residet GLORIA Clivo  
MARTINI benè pro meritis votis  
GLORIA certæ conscia sortis  
De patruo quæ prodijt ortu  
Moribus cultæ Dryades Cytisum  
Montiuagæ, cui lac tepidum capræ  
Contulerunt, ac munus Oreades  
GLORIA magnarum affecula dotum  
Hæc alijs sic vna silentibus  
Barbita Lesboum quatiens fert.

Non cælos, non ludo Lybîn, nec opes  
Diuitum, haud in cælicolas do  
Mora superbis bella Gygantibus  
Thule tuas non approbo vires

MARTINE gradum glomera, requiro,

T B LAVS nostræ grata palæstræ

Illa ego placidum quæ Rheæ viridi  
Gramine ad ampli fluminis alucum,  
Te genui molli thalamo ortum  
Qua vagus arctis Vistula fontibus  
Serpit anhelis peruius vndis  
Carpatheas linquens secatur obuios  
Variaidum muros: iuga Mexici

Gerijonas hinc centimanum Lycam  
Illinc Antæum lemma, iuuat  
Vicisse ac iam cessare lubet  
Pectora longis languida studijs  
Viridante super fronde reponens



Mentis iniquæ fas maciem sic  
Laqueare, leuem proijce ventis

Auræa primis Mæsis honoribus  
Vna stat vno LAURVS honori  
Acriter acri nexa sub æstu  
Palladis; in agris postquàm Samys  
Diuite cornu Phæbus aduret  
Æthera thensis, maior aristis

GLORIA succrescet meritis tuis,  
Nunc te contentum Mænalius  
Pan nec nobis gracilis Pales  
Inuideat, quem Phæbus adornat,  
Qui modo Daphni cinctus adest comam,  
Hac frui faustè properat; patruos  
Lætior vt post sæpius exigas  
Frondis amcenæ lætus honores  
Virides mitras. Diadema Sophum,  
Quem non longæ pretiosa moræ  
Tædîa vincunt non sollicito  
Frustra madidæ sudore genæ,  
Non torpor iners, felix capito:

Carolus ignotum reputans, re-  
cludere mundum, palmiferam tibi  
Lauriger palmam, minimè cupido  
Inuidet, omni hanc fine beatus  
Nactus Io, Io, triumphæ.

*Venerabili Domino,*  
IACOBO CZERSKI Varſauien.

QVem sub conspicuo ſydere Cynthius  
Errorauit amans matris ab vberè,

Et cui



Et cui Iuppiter ortu  
Felici ingenium dedit.  
Præstans CZERSCE tuis facte Penatibus  
Quidam dulcis honos non nec amabilis  
Quo iam lætior orto  
Stabit Varſaua amantior.  
Cum currunt tibi tot ſydera legibus  
Inter Sarmaticos cum renites viros  
Non poſtremis agreſtes  
Conſtans moribus Æmuli.  
Hac ſi ſætus ades carpere lampadam  
Doctrinæ, in racis collibus auream;  
Quæ nunc carpis iter, ſis  
Præſto ſedulus aſſecta.  
Corpus tendit agens pinus in æra  
Creſcendo Zephyri cui q̄natiunt comas,  
Tum celata tenello  
Creſcit littera cortice.  
Nexam fronde comam de Iouis arbore  
Gratæ auræ feriunt, hanc Erato tibi  
Cum confert cape gratum  
Noſtri munus aiens chori,  
Noſtrum munus habe, quod prius Orpheo  
Hoc ipſo dedimus Pierides loco  
Hoc non ſperne, capeſſe, at  
Tanget fama Deos tua,  
Poſtquam mobilibus tempora ſæculis  
Inſcripto repetent ſemmate viuida  
Venturæ acta ſenectæ  
Laus ducta ibit ad æthera.  
Imo ! hic interea laus venit, vt ſcias  
Quam te (dum ſed ades) gaudeat hoſpice,

Noſtros



Nostros ante oculos te  
Latum postera detinet.  
Quis non encomio gatus ad exitum  
Virtutis modulandæ obuius iuerit  
Quæ paucis datur, alto  
Substans ardua culmine?  
An ætate minor, maior an imperet  
Laus? an laude minor, maior an inuida  
Ætas, gaudet virisq;  
Victrix Laus in honoribus:  
Non ætas superat flore, reconditam  
Laudem, sed viridem proxima laus suis  
Ætatem præit actis  
Famam pandere posteris  
Hæc sunt nempe pater symbola gloriæ  
Quæ pridem vegeti munere filius  
Sub Phrixi remeavit  
Metâ Iasonis aspera,  
Hunc post Æsonidem tanta stipendia  
Nitentur patriæ semper ad altius.  
Imperterrita cliuo  
Solamen decus auctius.  
Has tu posteritas laudis adores  
Veras diuitias suscipe, GLORIA  
Has ducat super annos  
Cervi longa superstites.

*Venerabili Domino*

ALBERTO NOWIEYSKI.

**M**ouete dulce gaudium  
Blandis diem fas ducere

*Est can-*



**Est** cantibus, vos numina  
**Præ**clara Pythici chori,  
**Mouete** dulce gaudium  
Iduos decet iam gaudij  
Omni pium Io dicere  
Cætu pium Io gaudium.  
**Mouete** dulce gaudium  
Florum Dæx, Dæx cui  
Daphnen suam Libetridæ  
Nexere ferte gaudium.  
**Mouete** dulce gaudium  
Est huius in genis decor,  
Est oribus tum Tulij  
Amate dulcor aureus.  
**Mouete** dulce gaudium  
Loquela præstans moribus  
Est mixta honestis debite  
Fauete Musæ G L O R I æ.  
**Mouete** dulce gaudium  
Sermone vobis dulcior  
Nobis sit hic iucundior  
Viuat sibi facundior.  
**Facundus** adde moribus  
Nuptum quod est prioribus  
Nomen, vher te Castalis  
Post vnda fido flumine  
Florebit inde nomine  
Honestæ fama quam colis  
Grato parentum in omine  
Florebit & terræ, & polis,

B

Quine-



Qui nectar orte frondibus.  
Gustasti Olympi, GLORIAM  
Laudata, virtus vt pio  
Laudet labore pergito  
Cultus sequax, qui barbito  
Grauis manet recondito  
Reconditus sub æthere  
Te poscit æther, exige  
Hoc viue nobis gaudio,  
Viuas tibi hoc tum sæculo,  
Mouete Musa gaudium  
Ei fluat nunc sæculum,  
Mouete dulce gaudium  
Blandis diem fas ducere  
Est cantibus, vos numina  
Præclara Pythici chori.





# IN STEMMA ACADEMIÆ CRACOVIENSIS.



*Quid sistrata tuam celebras ita turba Iuencam,  
 Isin quid Phariam tollis ad astrum tuam?  
 Vbera, quid numeras spumantes lacte papillas,  
 Ex quibus elabi commoda mille putas?  
 Fabula crede mihi est, Dea, quod tibi cuncta ministret  
 Largas muneribus quod tibi fundat opes:  
 Est Isis melior nostra hæc Jagelonia mater  
 Munificas opes, nam duo sceptrum docent.  
 Ergo Deam celebrare tuam pia desine Memphis  
 Ditiore ista parens, hanc celebrato Deam.*

Martinus Cyrus Sobolowski,  
 Iurisprud, Studiosus.



## Æ N I G M A.

*Garrula dicor auis si verbum in nomine spectes  
Composito, blandus nomine fio canis.  
Nascor verbosâ verborum in sorte malorum,  
Dum canto, incusor: sin minus, inficior.  
Proh miseram sortem! cui sunt commissa libelli  
Scripta, nimis procax est cui lusa fides:  
Scire velis, qui sim, me non inquire sinistra  
Mente, aliâs fueris par mihi; scito canis;  
Non tamen inuideo modo ne mihi nomen Achates,  
Inuideas, & sim dentibus esca tuis.*


IOANNES COLDRAS

Philosoph. & Eloqu. Stud.

---

Sub auspiciis Illustris & Admod: Reueren. D.  
Dñi MARTINI CAMPII VADOVII, Sacræ  
Theol. Doctoris & Professoris. S. Floriani Præ-  
positi: nec non celeberrimæ Vniuersit: Cra-  
couien. Vicecancellarii dignissimi.







e<sub>2</sub>

84  
P.F.



11. - 3



818864 Bibliotheca 28 000,-  
P.P. Camaldulensium in Bielany

Depozyt w Bibliotece Jagiellońskiej



03947

K.VI.6



